

Колхоз бусы

ЕКП(б)-лэн
Зуриной
райкомезлэн но
райисполкомлэн
органы

Вылі эчлыкен кизёно

Москвае - асьме сяська-сяськись родинамылэн сюлэмаз выставкае сюрсэн экскурсант ёс—колхозник'ёс вуыло. Всесоюзной сельскохозяственной выставкаын участвоват каро асьме районьсь но умойёсыз колхозник'ёс, азьмынсь колхоз'ёс, куд'ёсыз добиться кариськызы выльыко урожай басьтонэз. Та нунал'ёсы колхоз'ёсысь стахановец'ёс но стахановкаос эшшо но золгес чошаткыса ужало со вылысь, чтобы 1940 арын добиться кариськыны выльыко урожай басьтонэз но Всесоюзной сельскохозяственной выставкаын участвовать каронэз.

Выльыко урожай басьтон понна, нырысетй условиен луэ — кизёнэз дырыз дыр'я но вань агрономической правилоос'я орчтыон, солэн эчлыкез понна нюр'яськон. Азьло ар'ёсын ужам лэн практикаез возматэ, что озимой кизёнэз вазь орчгыгыз, ю-нянълэн удалтонлыкез трэслы жутске.

Озы ке но районамы озимой зег кизён чидантэм ляб мынэ. План'я 7500 гектар кизёно, нош 12-тй августы 2248 гектар гинэ киземен ни. Туж ик бере кыле Б-Пурга сельсовет. Татын 48 процент гинэ киземен ни.

Колхоз'ёсын вакчи дыре но умой эчлыкен кизёнэз орчтыны тырмыт условиос вань. Сеялкаос ваньмыз 197, соос пдысь 12 тракторной сеялкаос луо. Озы но куд-огез колхоз'ёс агроправилоез тйаса, зегез кыин протравливать карытэк кизё. Чумой (председателез Перевощиков), Каргурез (председателез Корепанов) колхоз'ёс зегзэс кыин протравливать но сортировать карытэк кизё. Сыче ик уж Сеп сельсоветы Сеп но Лужан но Тюптиево сельсоветысь Пихтовка колхоз'ёсын. Сеп колхозлэн план'я 280 гектар кизён интые 115,76 гектар сяна кизьымтэ. Киземен ваньмыз

протравливать карытэк. Озы ик Пихтовка колхоз но 10 гектар кыин кизиз. Таце факт'ёс мукет'ёсаз но колхоз'ёсын трос.

Партиен но правительствоз зег кизыны установигь карем срок'ёс кемалась оргчизы ни. Озы но МТС (директорез Попов) кизён сярис уг но малпа. Зол-зол кизён борды кутскем интые дасэтй августоз одиг сеялказы но өз ужа, ялам ремонтировать карыны в'ро. Поповлэн тракторной бригадоосыныз кивалтонысь отстранить кариськеменыз бригадир'ёсыз ма мылыз птэ—сое ужало. Тани нылетй бригада тулыс ю-кизён дыр'я нырысь инты бастыз, нош али та бригада зег кизёнэз срывать карон вылысь ужа. Пешвайын ю кидыс луыса но тракторной сеялкаез Сепе, кидыстэм азе перебросить карызы. Сепын кидыс өвөлэн сеялка 5 нунал чоже сылыз, тракторист'ёсыз со куспын юыса но хулиганить карыса уйызы.

Зег кизёнэз шонер организовать карыса, одиг-кык нуналскын, наркомземлэн сэтэм планэз'я площадез кизыса быдэстоно. Со понна кулэ вань сеялкаосты уже кутыны, трудэз шонер организовать карыны. Кылем арлэсь тырмытэосэ тодэ вайыса, котькуд колхозлы одиг гектар но зег кизён площадез кизытэк кельтонтэм вылысь нюр'яськоно. Кылем арын кудаз колхоз'ёсын тацеос но факт'ёс вал, зегзэс планэз'я өз кизыты, и сводка сётылызы киземен шуыса. Кылсярис, Штанигурт сельсоветысь Туга колхоз 16,53 га муз'емэз кизытэк кельтиз, нош райзое сзодка киземен шуыса сётэ. Туга колхозлэн кивалтисьёсыз та сводкаенызы райзоез өз пъял, а асьсэдис пъязы. Малы ке шуоно соин, что хлебопоставка тырыське кизыны сётэм план вылысь. Таце тырмытэосты вань колхоз'ёслы лыдэ бастыны кулэ.

Колхоз'ёс госуларстволы ю-тысь сето

Районысьтымы тросэз колхоз'ёс та нунал'ёсы госуларстволы ю-тысь сдаты карон борды пдысь мылкыдын кутскизы. Кылсярис, Тюптиево сельсоветысь Тюптиево колхоз 14 августозь 3000, Вильгурт колхоз 1000,

Пихтовка колхоз 1200 но Зучкар колхоз 1300 килограмм сдаты карызы ни.

Озы ик мукет'ёсыз но колхоз'ёс та уж бордын али бадзым мылкыдын ужало ни.

Утени.

Комбайн'ёсын 371,80 гектар октэмын-калтэмын ни.

14 августозь районамы ваньмыз комбайнэн 371,80 гектар октэмын-калтэмын. Ни м'ль комбайнер'ёсты вераса: В. Алексеев 50,0 П. П. Корепанов 52,0 Е. Шкляев 70,0 А. Головкин 82,0, П. Трубицын 17,5 С. Рогознев 5, И. Плещиков 5, Ф. Рябов 7,0 И. Малыш 30, Н. Шкляев 47,3 Н. Л. Корепанов 6,0 гектар октэмын-калтэмын ни.

Удмуртской АССР-лэн Верховной Советэзлэн 1-тй Созывезлэн Кыктэти Сессиез

Ф. Н. Дядюков депутатлэн верамез

Депутат'ёс эш'ёс! Удмуртской АССР-лэн народной хозяйствозезлэн кужмо жутскеменыз чош жогбудэ милям районмылэн но бюджетэз. Зуриной районлэн бюджетэз 1939 арын 1.620,6 сюрс манетозылуэ. Кылем арын фактической расход'ёс 1443,7 сюрс манет вал. 1934 арын сярис районной бюджет кык полльсь но унолы будыз.

1939 арын бюджетной расход'ёслэн будонзы таце даннойёсысь умой адзиське: сельской хозяйствозы 1938 арын фактически расходовать каремен вал 60,3 сюрс манет, туэ ассигновать каремен 92,8 сюрс манет, просвещенилы кылем арын расходовать каремен 789,6 сюрс манет, 1939 арын 841,5 сюрс манет пус'емен. Сыче ик суред здравоохранение удысын но. Расход'ёс татын 223,1 сюрс манетысен 282,8 сюрс манет-

озылы будо.

Милям районамы формаз'я национальной но содержаниез'я социалистической культура туж будыз. 4 черк'ёс интые, куд'ёсыз пыр поп'ёс, вузчиос но кулак'ё удмурт калыкез зйбет улын возылызы, али районьн вань 4 клуб, 43 красной уголок'ёс, 12 избачитальняос но одиг звуковой кино-передвижка.

Милям районамы калыклэн грамотностез но арысь-аре будэ. Революцилэсь азьвыл 90 процентэз неграмотной ке вал, али 90 процентлэсь но ятырез грамотной ини. Милям районамы та дыре 4 НСШ но 21 начальной школаос, революцилэсь азьло 17 гинэ вал.

Районамы 45 койкаен одиг больница, 3 медпункт'ёс, 1 колхозной родильной дом но 14 трахоматозной пункт'ёс вань.

Районысьтымы советской интеллигенция вискарытэк будэ. Туннэ нунал азелы вань милям 155 мурт медработник'ёсмы, зооветработник'ёсмы, сельской хозяйстволэн специалист'ёсыз но дышетисьёс. Революцилэсь азьвыл нош та районлэн предел'ёсаз вал 6 поп'ёс, 4 дьякон'ёс, 4 псаломщик'ёс, волосной писарь, урядник но мукет'ёсыз. Дышетисьёс 33 мурт гинэ вал.

Эш'ёс! Асьме республикамылэсь татын принять карем бюджетэ, веранэз өвёл, Удмуртиысь трудящойёс одобрить карозы но сое уж вылын быдэстоны.

Дано мед луоз Маркс лэн — Энгельс лэн — Ленин лэн — Сталин лэн непобедимой знамязы!

Дано мед луоз ВКП(б) но солэн вождез Сталин эш! (Кужмо аплодисмент'ёс).

Заемлы подписаться кариськытэк одиг мурт но медаз кылы

Зура районуьсь 13 августлы куиньметй пятилеткалэн заемез (кыкетй аре выпускез) 320 сюрс манетлы реализовать каремен ни. Та сумма кыдэке азыпала орчемын ни кылем арын подписасо'я. Рабочийёс но служащойёс куинь арнялы но толзьем уждунзылы заемлы гождиськыло. Нош Зянтемошурской артельлэн председателез А. Белов 500 манет уждун бастыса, заемлы 1000 манетлы гождись. Б. Пургаысь разнопромышленой артельлэн производствоза заведующоез Рухлядев 280 манет уждун бастыса заемлы 500 манетлы гождись. Озы ик ВЛКСМ райкомлэн секретарез Анисимов уждунэ 500 манет луыса, заемлы 600 манетлы гождиськызы.

Районысь трудящойёс заемлы гождись валче, заем понна наличноен сберкаскае коньдонэс тыро ни. Туннэ нуналлы 5 сюрс манетлэсь но ятыр наличноен внести каремен ни. Та удысын азьло мынэ Зура сельсовет. Татын 3080 манет внести каремен ни. Нош Оник—Ирымьсь колхозник'ёс 1590 манетлы гождисьса полностью наличноен заем понна тырызы ни.

Однако верано луэ, та берло нунал'ёсы заемез реализовать карон, районьн лябомиз. Рабочийёс колхозын заем сярис умойтэм вераськон'ёс вань ни. Татысь Бабкин Николай заемлы 75 манетлы гождись. Нош кышномуртэзлы, медаз гождись шуыса, угрожать каретон гождисьса оскалты ма-

ра". Соин ик та колхозын 50 процентэз колхозник'ёс подписасоен охватить карымтэ на.

Новоглазово колхозысь кладовщик Трубицына азьло ар'ёсы туж активно заемлы гождись вал, сое реализовать карыны но орчтылыз. Нош туэ гождись 25 манетлы гинэ. Ачиз но Трубицына шуэ: мон не всостояние-а мар-а заемлы гождись, но уг луы колхозысь куд антигосударственной калык'ёсын. Бадзым суммалы гождиськод ке, соос котькыче кылынызы тышкаськыны кутско". Антигосударственной мылкыдем мурт'ёс нокуд ласьян отпор сётэмез уг адзо. Та колхозэ вуылэз сберкассалэн заведующоез Рогознев, нош таце адямиосты калык шарае өз поты.

Уг мыны заемез реализовать карон домохозяйкаос пдын. Милем кылдиз та сяр'ись вераськыны нюлэс но сплав союзлэн председателеныз Стрелков эшен.

—Кыче мар заемез реализовать карон мынэ,—ми юаськомы солэсь.

—Туж умой,— шуэ,—рабочийёс но служащой куинь арняем но толзьем заработоксылы гождиськыло.

—Нош кыче мар подписка мынэ домохозяйкаос пдын,—нош юаськом ми.

Таце юамлы Стрелков гундыське вал. Та дырозь со малпам, что домохозяйкаос пдын заемез реализовать карон профсоюзлэн ужез өвёл. Мар веранэз, мукет профсоюз'ёсын но домохозяйкаос пдын заемез

реализовать карон вырзытьмтэ.

Верано луэ на таце сельсовет председателез сярись, куд'ёсыз отчуждательствоен заниматься карисько. Карачумской сельсоветлэн председателез Агафонова. 4 августэ райсберкаскае ивортыз, что заем реализовать каремен ни 8070 манетлы. Та суммаез ик ивортыз 9 августэ но. 4 августэ колхозник'ёслэн лыдэ 201 мурт вал, нош 9 августэ 221 мурт луиз. Берло Агафоновалэн аслаз признаться кариськемез'я тодмо луиз, что со авансом сведение сберкаскае 4 августэ сётыз вал.

Сюрсовайчик колхозын заем 475 манетлы гинэ реализовать каремен вал. Нош Б-Пургинской сельсоветлэн председателез Бармин та колхозын 1070 манетлы реализовать каремен ни шуыса, сведение сётэ. Бармин признаться кариське, что та ивортэм суммаез та колхозын реализовать каром козам шуыса. Пбяно өвёл, а заем реализовать каронэз организовать кароно.

Верано луэ на тае, райфо но сберкасса уг нуо уж асьэлэн финансовой активнызы. Заем реализовать карон кутскем бере, соосты одиг пол но опытенызы вошяськыны өз люкаллялэ на. Заем реализовать карон ужез кужмоятоно, чтобы одиг мурт но тае бастысьтэмез медаз луы. Нош районьн 30 проц. трудящойёс подписасоен охватить карымтэ на.

С. И. Загребин.

Сепож сельсоветысь Чумой но Тюпиево сельсоветысь Каргурез колхоз'есын трудоу дисциплинален но трудлен организациелэн состояниез сярысь

Зураысь ВКП(б) райкомлэн 1939 арын 10 августэ постановлениез

Тюпиево сельсоветысь Каргурез колхозлэн председателезлэ докладзэ но Сепож сельсоветысь Чумой колхозын трудовой дисциплинален но трудлен организациелэн состояниез сярысь ВКП(б) райкомлэн секретарезлэ Шилиев эшлэсь сообщениез кылдыса, партилен районной комитетэз пус'е, что ВКП(б) ЦК-лэн но СССР-ысь СНК-лэн 1939 аре 27 мае „Колхоз'еслэсь общественной муз'ем'ессэс разбазаривать каронлэсь возманлэн мераосыз сярысь“ постановлениез та колхоз'есын уж вылын уг быдэ'ясыкы. Колхозник'еслэн сознаниозызы вуттымтэ на со постановление. Со постановлениея прогультык'еслы нокыче ужрад уг кутыськы, та дырозь же потасьтэм колхозник'ес честной колхозниклэн правеныз пользоваться карыськы, соин сэрен тросэз колхозник'ес масса прогультык'ес лэстыло.

Июль толэзе гинэ Каргурез колхозысь колхозник'есын 65 прогул но август толэзе 13 прогул лэстымын. Чумой колхозын нырысетй бригадын гинэ июль толэзе 22 но август толэзе 8 нуналскын 8 прогул лэстымын. Уг потало уже колхоз кивалтысьслэн—председатель эслэн, бригадир'еслэн, правленилэн но сельсовет член'еслэн семьяоссы но.

Корепанова Анна—Каргурез колхозысь председателен кышномуртыз 9 толэзе чоже 28 трудоденьлы сяна өз ужа. Озы ик со дыре татысь счетоводлэн кышномуртыз Максимова Ольга 33 трудоденьлы, сельсоветлэн членэзлэн кышномуртыз Максимова Ирина 5 трудоденьлы сяна өз ужалэ. Уг потало уже Чумой колхозысь председателен кышномуртыз Перевошикова но счетоводлэн кышномуртыз Васильева. Чем прогул лэстыло фермалэн заведующеезлэн кышномуртыз но Васильев бригадирлэн кенэз.

Та колхоз'есын колхозник'еслэн уже потамзы сярысь нокыче учот өвёл. 2, 3 но 4 час бер уже потысьёс прогульщик'есын уг лыд'яско но соосын прогульщик'есын сямен колхозлэн правлениосыз нокыче вераськон уг нуо. Внутренней распорядоклэн правилоосыз та арлы установить карымтэ, ужез определять карись, рабочий план'ес бригадасын өвёл.

Грубо нарушатся карыськы сельскохозяйственной артельлэн уставез доход'есыз лыд'янын, люкылонын но трудэз организавать каронын. Каргурез колхозысь умой ужась колхозник'ес куд-огез 1937-38 ар'ёсы ужом трудоденьзылы но коньдон өз басьтэ на. Нош куд-огез колхозник'ес колхозной производствын урод ке но ужало, басьтызы ни аванс 1939 арлы котыр

300 но 400 манет. Соос пöлы ик пыро колхозлэн кивалтысьёсыз но. Каргурез колхозын кыказ бригадын колхозник'еслэн май толэзе ужом'ессылы али но трудодень начислить карымтэ на.

Та колхоз'есын трудлен организациез трудовой дисциплинаез юматонлы но трудлэсь производительностьэ жутонылы способствовать уг кары. Тулыс ю кизён дыр'я зерновой культураос'я организовать карем звеноос распустить каремын. Ужез но озы ик урожаез лыдэ басытон'я бригадоос вискын нокыче разграничениос өвёл. Ваньмыз бригадоос кутсасько огазын, кудйзлэн бригадалэн участок вылысь коня кутсамын, сое правлениос нимысь уг лыд'яло. Зег кизёнэз ортычто обезличенно сортировать но протравливать карымтэ кидысэн. Бригадасын звеноос кылдытымтэ.

ВКП(б)-лэн райкомез постановить каре:

1. Учотэз но трудлэсь организациез обезличить каремез понна, прогульщик'еслы ужрад кутымтэз но урод ужась колхозник'ёсты авансировать карон'я антиколхозной практикаез понна Каргурез колхозлэсь председателэз Корепановез предупредить кароно. Предложить кароно Корепановлы колхозлы аслэстыз задолженностьэ быдтыны.

2. Каргурез но Чумой колхоз'еслэн председателэссылы предложить кароно обеспечить карыны асьсэлэн семьяоссылэсь но озы ик мукет'есылэсь но колхоз кивалтысьслэн семьяоссылэсь колхозной ужим ужом'я трудовой дисциплиназэс юматонэз.

3. Предложить кароно колхоз председателэссылы Корепановлы но Перевошиковлы:

а) Огыны колхозысь вань прогульщик'ёсты, ичи трудодень иметь карысьёсэ но ортычыны соосын совещание. Валэктны соослы „Колхоз'еслэсь общественной муз'ем'ессэс разбазаривать каронлэсь возманлэн мераосыз сярысь“ ВКП(б) ЦК-лэсь но СССР-лэн СНК-езлэсь постановленизэс но предупредить кароно соосты, если уже өз ке поталэ колхозниклэн правоезлэсь лишить каремын луозы шуыса;

б) Куинь нунал кустын разработать карыны внутренней распорядоклэсь правилоосэ но юматыны колхозник'еслэн общей собраниязы. Котыкуд бригадын колхозниклэсь уже потэмзы лыдэ басытонэз тупатыны. Отмечать карыны учотной книгае колхозниклэсь уже потэмзэ но ужысь бертэмзэ. Нуыны вискарятэк нюр'яськон колхозник'еслэн уже бер потонэнызы но ужысь вазь кошконэнызы, сель-

скохозяйственной артельлэн уставез'я уже бер потысь колхозник'еслы но ужысь вазь кошкысьёсызлы ужпум кутылыны.

г) Прекратить кароно трудоденьсты но лудысь урожаез затратая колхозной учотэз обезличить каронэз. Установить карыны котыкуд бригадын трудоденьсты затратая нимысь учот пункты: почваез обработать каронын, кизёнын, культураослы уход орчыгонин, октон-калтонын, кутсаськоннын но мукет ужын озы, чтобы сельскохозяйственной арлэн пумаз мед луоз капчи определить карыны котыкуд бригадалэн ужезлэсь жечлыкэс но умой ужасьёсызлы лэстыны накидка, нош урод ужасьёсызлэсь лэстыны скидка.

4. Октон-калтонын трудэз умой организовать карыны понна но солэсь производительностьэ жугыны понна предложить кароно Перевошиковлы но Корепановлы колхоз правленилэн заседанияз обсудить карыны Тюпиевоысь колхозник'еслэсь самосброска аран машина събрын культю керттылон организовать карем опытсэс но соослэн опытсыя организовать карыны 6 муртэн звено, соослэсь ужез тазы люкыса: одйгез дася культю керттылыны, кыктэтиез дася йё, культю вылэ понэ но берыктэ сое, куиньметйез керттылэ, нылетйез шеп'ёсты мажга, витетйез керттылэм культюосты огазе люка но куатетйе: культюосты суслонэ пуктылэ.

5. Каргурез но Чумой колхоз'еслэн председателэссылы предложить кароно зерновой культураос'я звеноосты восстановить карыны, куд'ёсыз тулыс ю кизён азын организовать каремын вал но обеспечить карыны соослэн ужзылэсь кутсконзэс озимой культураосыз кизёнысен. Озимой'ёсты кизён дыр'я звеноослы участок'ёс юматыны но потребовать карыны соослэсь выль жечлыкэс киземзэс но со участок вылазы вань агроправилоосты применять каремзэс. Предложить кароно Корепановлы но Перевошиковлы сортировать но протравливать карымтэ кидысэн озимой'ёсты кизёнэз прекратить карыны.

6. Обязать кароно первичной парторганизациосты, одиночкаосты, коммунист'ес ты нуналмысь валэктны колхозник'еслы ВКП(б) ЦК-лэсь но СССР-ысь СНК-лэсь „Колхоз'еслэсь общественной муз'ем'ессэс разбазаривать каронлэсь возманлэн мераосыз сярысь“ но „1939 арын урожаез октон-калтон но сельскохозяйственной продуктаосты дасян сярысь“ постановлениоссэс, организовать карыны решительной нюр'яськон прогул'есын но уже бер потон'есын, шонер организовать карыны трудэз но кивалтыны социалистической соревнованиен но стахановской движениен уборкаын но мукет последующей сельскохозяйственной уж'есын.

ВКП(б) райкомлэн секретарез—С. Юферев.

Финоз пудо вордоннын бад'зым ущерб лэсты

Сельской хозяйствойн пудо вордонэз выльыкы удысэ жутонын, финоз туж бад'зым ущерб лэсты.

Финоз адыми бордысь потэ. Куд-огезлэн адымилэн кишечниказ улэ ленточной нумыр, но состоять каре трос пачкес членник'еслэсь. Со нумыр кишечник борды куртчыськемын луэ. Нош адымилэн педло ветлыкуз солэн пачкесэсь членик'ёсыз пото, куд'ёсыз тырмытэмын луо туж трос пуз'ёсын. Та адымилэсь педло ветлэмзэ скал'ёс яке парсьёс шедьтыса сию но финозэн заразиться карыськы.

Парсьлэн яке скаллэн кишечниказ шедем личинкалэн пуз'ёсысьызэ пото пичиесь гинэ личинкаос, куд'ёсыз кишечникез пась карыса, вирлэн ветлонназ шедё но вир събры пудолэн сйляз пыро.

Та висись пудолэсь умой пöсьтымтэ но пыжымтэ сйльзэ адыми сиыны шедьтыса, адымилэн кишечниказ выль финоз—ленточной нумыр будэ.

Татысен ик скал'ёс но парсьёс финозэн висён шедьто адыми бордысь, нош адыми та пудоос бордысь гинэ.

Пудо висён'ёс асьме районысь тросаз колхоз'есын шараямын ни. Кылсярысь, Квалуд, Т-Пурга, Беляво но мукет'есаз куд-ог колхоз'есын финозэн заразиться карысьнем парсьёс шараямын.

Ваньмыз районсытымы 276 парсь ветосмотр пырти ортычтэмын. Соос пöлысь 22-эз парсьёс финозэн зарагись карыськемын.

Со понна, чтобы пудоос адымилэсь педло ветлэмзэ медаз шедьтылэ шуыса, котыкуд пудо вордон фермаос дорын пудоослы пырыны быгатонтэм уборной'ёс лэстылэмын луыны кулэ, озы ик личной хозяйствоосын но.

Тодады ваелэ, что пудоослэн гид'есазы но мукет шара ингыосы педло ветлэменыды сэрен, пудоосты уноэз финозэн висыса кулыло, но асьтэдыс висёнлы подвергать каро.

Адыми, кудйз шөдйз ке аслаз педло ветлэмысьтыз пичиесь гинэ тöдысье но пачкесэсь нумыр'ёсты, вакчи дырын со паразитэз быдтон вылысь, медпункт'ёсы обратиться мед карыськы.

Ветврач Коробейников.

Зег кизенэз куашкатыны вылысь ужало

Зура МТС-лэн 4-тй номеро тракторной бригадезлэн бригадирез Булдаков Николай тракторист'есызлэн ужанназы случайысь случае гинэ вуылэ. Бригадаяз ужез умой пуктэм интые, тракторист'есыныз групповой юон организовать карыса, 5 нунал чоже юыса улйзы. Тракторист'ёс Лекомцев Афанасий, Лекомцев Петр но прицепщик Корепанов Иван номерзэс валантэм юэменызы Сеп колхозлэсь председателэз молотэн уйылыса ветлызы.

Та бригадаысь 5 трактор пöлысь одйгез сяна умой-умой уг ужа. Тракторной сеялка зег кизыны умой ужась тракторислы Протопоповлы зётэмын вал. Нош бригадирлэн помощникез Степанов Протопоповлэн Зурае расчот понна ветлыт'чожаз, сеялкаез юри ю кизёнэз сорвать карыны понна А. Лекомцев трактористлы сётйз, кудйзлэн тракторез тйяськеменыз ужаны но уг яра. Ужаны ярасьтэм трактор бордын сеялкаез но тиязы ни. Озы тини умой ужась трактористлэсь ужез нуналмысь подорвать карыны туртско. Булдаковлэн указаниез'я, Пежвай колхозын ю кидыс луыса но юыса улыны понна, Сепе кошкызы.

Нош Сеп колхозын ю кидыс кутсаны „МК-1100“ кутсаськон машина ваемын ке но улыча шорын ик, ремонттировать каром шуыса, разобрать карыса возё. Солэн дораз нокин ветлысь но өвёл. Та бригадалэн ик предпосевной гыронэз но 85 гектар гырытэк анализэмын.

Таке ужез туж умой годо МТС-лэн директорез Попов но политчастья солэн помощникез Данилов. Нош нокыче ответственностьэк ужаменызы сое тупатон вылысь номер уг лэсты.

Лекомцев но Романов

III кварталлы тупатэм коньдон огазеан планлэн 10 августозь быдэсметез сярысь сводка

Сельсовет'ес	Процент порады
Зуриновской	27,1
Котегуртской	15,2
Сепской	14,5
Чулбевской	14,4
Сепожской	13,3
Тюпиевской	12,4
Быдзымошурской	11,0
Б-Пургинской	7,6
Штаннбургской	8,3
Карачумской	6,8
Ваньмыз	13,6

Отв. редактор Князевы Поттись райисполком

Ялон.

Б-Пургаысь „Красная звезда“ промартельлэн правленез вань заказ сётэм мурт'ёсты 15 августысен 19 августозь выкупать карыны кссэ, 19 августозь выкупать карымтэ заказ'ес вузамын луозы.